

## 運命交叉點

「恭喜！恭喜！照能實在還慶、還湛斗，偲俚莊肚從來就言識有人考著臺灣大學，實在無簡單。」

「吳局長，若公郎係學校成立到這下第一個考著臺大个，校長交代，喊偲一定愛送紙炮摺花園過來摺你恭喜。」陳主任緊講緊笑，笑到嘴脣皮險險就裂到脰盡仔去了。

一屋間个人擠擠摯，你一句偲一句，相爭阿謔照能聰明又煞猛，恁難得在這莊下地方考著臺灣大學，係盡無簡單个大事情，尤其厥爸還係縣政府農業局个局長，想來巴結合襯鬧熱个人就還較多了。

吳局長兩公婆面項看起來雖然開眉笑眼，毋過，兩儕个心肝肚還係有一息仔愁慮，因為佢兜降个係雙生仔，一個係這擺考著臺大个照能，一個係全全毋讀書，逐日做遊樂个照祥。人講，雙生仔無論面相也係聰明才智大體就毋會爭差幾多，哪知偏偏厥屋下个雙生仔爭天差地，先出生个照祥，一溜仔就當毋壁又合一日到暗搵搵搵，讀書也好做事也好，從來毋識分爺哀試著滿意，總係愛跔在後背摺佢掉屎肱，分吳局長兩公婆愁勞博激，逐日額結結。

「局長！局長！毋好了！毋好了！」彭德仔走到心肝嘖嘖跳，緊敲大氣緊大嫲牯聲盡喊，吳局長兩公婆暢樂言過，煞煞拚出來看，胚想可能係照祥又搵麼个事情出來，實在還無結煞。

「局長，若公郎照祥，毋知做麼个好恬恬走去伯公下摺伯公个鬚剪淨淨，又摺伯公个衫褲燒到烏疏疏，好得偲堵堵好去拜伯公看著，無該伯公廟怕早就遭火燒了，實在還孤盲。」

「唉喲！阿姆哀！仰會恁樣呢？」「平平雙胞卵，仰會差恁多？」來恭喜个人大家你一句偲一句。

「今該攷子弟咧？走哪位去了？」吳局長闕粹粹講。

「麼人知，看著偲去，一下仔就走到尾瀉屎，毋知囡哪去了。」彭德仔講。

照祥堵堵正點著火愛燒伯公个衫，看著彭德仔來拜伯公，跋起腳就瀉，緊走緊翻轉頭看有人追過來無。該載，走一站仔，無看著有人追來正停下來敬下氣。原來，佢在屋下看著恁多人相賽來摻厥老弟恭喜，無一儕人看佢有，斯有品相佢講佢恁出差世，佢在屋下越聽越闊，火氣大到無哪好出，只好行出去，莫聽莫看就好。

佢行到伯公下，想著見擺跔阿姆來拜个伯公，想講仰伯公斯單淨保佑厥老弟照能無保佑佢，其實佢自家也試著當無公平，平平係雙胞卵，共爺哀降个，仰般厥老弟麼个就恁慶，佢就恁濫斗，照能考著第一志願，佢一隻學校就無考著，拜恁多年个伯公完全毋識庇佑佢，越想越闊，看著旁脣一支鈍鈍个刀仔，佢拿起來就摻伯公像個鬚鬚割割忒，割到像狗喫樣，恁樣對伯公出水還毋罅，將就點火摻伯公个衫燒燒忒算了，盲知衫還盲燒忒就分彭德仔堵著，實在還衰。

照祥毋知愛去哪正好，天漸漸暗下來了，肚屎也枵了，但係，這下定著做毋得轉屋下，轉去定著會分厥爸拌死，佢無奈何，高不將行到一個同學識渡佢去過个神壇看看啊，該位應當有好食也有好戴，佢識看著厥同學在該戴過。神壇个宮主知佢係吳局長个俵仔就答應留佢下來搵手做兜雜事。

過忒歸禮拜，照祥想轉去伯公廟看看到底燒到仰般。

「咦！伯公著个衫像新个，可能有人來換過，好得無半儕在這，桌頂還有水果摻餅仔，將就歸下拿走，一禮拜無食著麼个好東西，堵好來堵豺籬。」照祥自家嘴肚唸唸唸，聽著有人行過來个聲，煞煞摻桌頂个供品抓著囤到神桌下去。

「阿姆哀！偃拜伯公个東西呢？仰全毋見忒去？」莊肚个玉嬌嫂一看著拜神个東西毋見忒，無想著愛尋桌下，噦噦嘶嘶緊拚拚走等出去看有賊仔無？

照祥聽著玉嬌嫂走忒个聲，暢樂樂仔，煞煞走。

過無幾日仔，照祥無錢好使，又想愛轉莊肚去看看有麼个好空个無？行啊行，踔啊踔，看著錦財伯公單淨一儕人在屋下定定，連拐帶騙摻錦財伯公落三千個銀，試著還無幾罅使，看錦財伯公腳骨跛啊跛仔定著追佢毋著，心肝一橫將就摻佢頸根該條金骸鍊順續帶搶帶落擲下來，跋起腳就瀉。

「這孤盲子！這絕子！仰會恁夭壽，敢搶佢這老人家个金骸鍊。無報警察捉來關起來做毋得！」錦財伯公个金骸鍊分照祥挪走，拿等拐棍仔咒孤罵絕。

伯公下拜神个東西忽然間毋見忒个事情分玉嬌嫂大嫲牯聲傳出去，通莊人一下就知了，再過，錦財伯公分照祥騙錢搶骸鍊个事情，大家就聯想定著係該隻攷子弟做个。吳局長兩公婆為著這毋像人个絕子閩到險險會嚇大腦筋，心肝肚想，無摻佢戶籍挑忒做毋得。

錦財伯公屋下人尋到吳局長屋下，愛吳局長分大家一隻交代，係無，歸莊肚个人會分佢搵死。吳局長無奈何，拿錢出來賠還再三摻人會失禮，還當場宣布愛摻該攷子弟斷絕關係，莫愛承認佢係吳家子弟，大家正放佢過。

這擺搵大空咧，照祥毋敢轉莊肚咧，高不將又轉去神壇，神壇个宮主聽著佢个事情也毋敢再過留佢，但係宮主愛佢再三發誓做毋得做壞事正摻佢紹介到別隻縣个神壇去。佢就恁樣遊遊冶冶全無轉屋，厥爺哀毋願看著這攷子弟也毋識來尋佢。這期間，照能逐日就知認真讀書，目標係下二擺愛考著會計師，佢心肝肚想一定愛摻阿爸、阿姆增志，毋好因為佢雙胞卵阿哥个事情歸屋下人就分人看衰。

雖然照祥全無摻屋下人聯絡，毋過照能識拜託人打探厥哥在哪位。有一日臨暗頭，照能來到神壇。

「阿哥，爺哀雖然無來尋你，毋過心肝肚也當掛吊你，佢俚兩儕个兵單來了，你看愛仰形正好？」照能講。

「佢還愛讀書，你係無想愛讀書看愛先去做兵無？」照能接等講。

照祥摻兵單接過來看看啊，撇轉頭就行落裡背去。

「阿哥，阿姆為著你个事情逐日食睡毋得，歸個人落一身肉下來，你摻佢共下轉屋下看阿姆好無？」照能躡等行落去。

「佢恁毋增志，阿爸阿姆看到佢斯有加閩定定，佢兜正毋會想愛看著佢。」

「阿爸雖然當閩你險險摻伯公廟燒忒，又搶錦財伯公个骸鍊，但係佢兜驚你分警察

捉著，正毋敢喊你轉，其實佢兜當關心你，阿姆見想著你就目汁濫汨，這下無人追究該兜事情了，你轉去無相干。」

「你先轉，做兵个事情，佢自家會打算。阿爸阿姆正拜託你好好照顧。」照祥還係無想摻照能轉去。

做兵這日到了，照祥自家單人獨馬來到鄉公所集合，看著愛去做兵个後生人大體就有幾下個屋下人共下來，照祥當欽羨佢兜有屋下人个關心。看著大家目珠紅紅，佢也目汁含等，人儕係毋盼得離開屋下人，佢係傷心無人來送佢。

做兵个日仔並無麼个難，有好食有好著，佢顛倒試著心較安定，唯一分佢感覺無幾鬆爽个就係逐禮拜个會面日，見到該日，其他个兵仔全有屋下人無就女朋友來會面，看著大家歡喜震天，佢試著當無意思，將就出去尋頭路做零工也較好過日仔。

「頭家，你愛請臨時工搵手無？佢這下在這附近做兵，逐禮拜祭日閒閒無事做，佢屋下又戴當遠無輒輒轉去，佢想加減做兜事賺兜零星錢。」照祥看到兵營附近一間做冷媒个工廠貼等一張尋工人个廣告，行落去罔問。

「你斯祭日正做得上班喔？佢想愛尋正常上班个工人呢！」

「做得分佢試做看看無？佢盡有力頭喔！」

頭家想恁久來實在當無閒，有人加減搵手也好，就答應分佢先做一日看看。

第二日一天光，打早翫床，照祥就走到做冷媒个工廠，做兵个阿兵哥實在有受訓有爭差，搬東西輕輕鬆鬆，做事又當然，頭家看著當滿意，一日分佢八百個銀。照祥試著會做得，在該日過後逐禮拜佢就去工廠摻頭家搵手。

年長月久，頭家對這後生人試著當滿意，做事煞猛看著又老實，想著自家工廠恁大間又無俵仔好接佢个頭路，這阿兵哥平常時摻妹仔也盡有話講，就鼓勵佢有閒時節渡妹仔美玲去看電影。兩年做兵个時間盡遽就過忒，照祥退伍後，因為摻美玲兩儕个感情盡順利，該站仔堵好冷氣當時行，生理好到奈毋得，頭家逐日做到無閒直掣，所以佢決定留下來繼續踴頭家做冷媒个生理。

照祥在工廠生活過著盡滿意，雖然成時會想著自家个屋下人，但係還係無勇氣轉屋下去看看爺哀摻照能。

「照祥，照祥，有你个信仔喔！」美玲喊佢。

「仰有人知佢戴這位呢？」照祥接過信仔，看這字已像厥爸个筆跡，佢手骨略略仔顫等拿出信肉來看。

「照祥，恁久好無，阿爸知你退伍一站時間了，這下在兵營脣个冷媒工廠做事，聽講已煞猛已認真打拚，阿爸阿姆試著盡安慰。雖然恁多年無看著你，阿爸阿姆盡想你，若老弟照能乜去做兵了，加幾日就愛退伍，屋下伸佢兩個老人家，若姆身體一溜仔就毋好，恁久來還較弱了，你係有閒，做得轉來看看若姆無？」

照祥恁多年無屋下个消息，突然間接著阿爸个信仔，看了看，目汁強強會跌下來。照祥搭等信仔行到河壩脣，坐下來發琢呆，愛轉？毋愛轉？佢毋知愛仰形正好。

想了一暗晷，照祥決定先去照能做兵个兵營看照能正來做決定。來到兵營，照能走等過來，想愛喊一句「阿哥！」就喊毋出來，面色白雪雪無半點血色，斯像形會啟氣毋轉樣，照祥當緊張。

「定定仔來，毋使走恁遽啊！身體仰恁濫？做兵做恁久仰全無進步呢？」照祥看著老弟像會昏忒樣，仰般講就係親兄弟又係雙胞胎，口氣當關心。無想著照祥个話言講煞，一下仔就目珠翻白，歸個人橫落去。

「救人喔！救人喔！麼人煞煞來搵手。」照祥盡命喊，兵營个兵仔聽著相賽走過來，救護車一路搶救，但係，言到醫院，照能就恬忒了。

仰般就無想著，恁久無看著个雙胞胎竟然係恁樣个情況來見著最尾一面。這天大个消息傳轉屋下，吳局長兩公婆強強會癡忒，仰般就無法度來接受恁大个打擊。歸莊肚个人乜試著還衰過，緊講：「死毋著人了！死毋著人了！」一個恁乖恁煞猛恁優秀个後生人，斯等退伍就愛來開會計師事務所，又愛討一個細妹先生，人生啊！仰會摻佢開一隻恁大个玩笑。照能愛出山个時節，厥爺哀痛心到昏昏去，該个細妹先生乜噉到啟毋過氣來，大家看著實在毋盼得。



照祥原旦毋知愛仰形來摺爺哀見面，無想著係恁樣个情況相見，兩子爺、兩子哀插等盡噉，麼个恩怨就在跌無停个目汁中化解忒了。辦煞照能个後事，照能看爺哀還係無神無氣，驚爺哀一下仔無辦法承受恁大个打擊，就摺頭家參詳愛轉屋下照顧老人家。

「照祥，恁久來工廠个生理越來越好，佢這間工廠強強會無法度供應，這下人个屋下大體就愛裝冷氣，佢看這種頭路會做得，佢想開加間工廠，分你來管理，你看仰般？有興趣無？」頭家講。

「承蒙頭家恁相惜啦！佢雖然當想繼續做下去，毋過，這下佢屋下發生恁大个事情，佢無轉去照顧爺哀怕做毋得喔！」

「無相干，無相干，佢想工廠就開在若屋下附近，分你做得管理又乜做得照顧著爺哀，你恁有孝，係一个盡好个後生人，這工廠就準係佢這丈人老送分你摺美玲个結婚嫁妝啦！希望你兩儕好好打拚，多降幾個細人仔，係做得就第二个俾仔做一個轉來珍佢姓，你看做得無？」

照祥無想著，頭家對佢恁好，看佢恁有，毋單淨肯摺妹仔嫁分佢，還愛開一間工廠分佢管理，佢个人生完全改變。兩公婆一條心生理緊做緊好，吳局長兩公婆雖然失忒當優秀个俾仔，但係看著一个擲忒又拈轉來个俾仔恁增志，又乜盡安慰，身體漸漸砸礮起來。這下，逐年母親節、父親節，兩公婆生日个時節，照祥定著買好飛行機票送兩老出國旅行，無就訂好飯店，摺大大細細全渡去奈，以前失志个照祥摺這下个大頭家比起來完全無共樣。

人生實在無定論，雙胞胎共年共月共日共時出生，照講八字完全共樣，但係命運完全顛倒貶，本來一直就當優秀个照能，人生一溜仔來就平平順順通莊人阿謫，讀書讀到臺灣大學也一畢業就考著會計師，看等就愛討舖娘了，人生何等順利，分幾多人欣羨，仰知做兵時節一下仔心臟麻痺，就天人永隔。還一個照祥，從細就係爺哀心肚个一隻軛，哪想著做兵時節堵著貴人，尋著好舖娘又尋著好頭路，人生從此轉變，對這兩個雙胞胎來講，「兵營」嘎變佢兜運命个交叉點。



## 作者感言

### 張馨如

這係第二擺參加教育部舉辦个閩客文學徵文也係第二擺得獎，實在當歡喜。再度得獎係當大个肯定，最歡喜个人做得講就係吾爺哀；自係退休後，逐日摺佢兜做伴，為著鼓勵老人家愛輒輒講話就纏等佢兜講古分佢聽，聽著个故事全變做佢寫文章个材料，這擺得獎毋單淨鼓勵佢也鼓勵著吾爺哀，這係歸屋下人个歡喜。

〈運命交叉點〉係人生故事个反省，分人知得世界上無永久个成功也無永久个失敗，雖然愛有該命也愛有該運，毋過，除忒命摺運之外，還係愛自家肯打拚，人生正會有轉變个機會，摺大自家共同勉勵。